



九華集卷十四

啟

賀何舍人運使啟

光奉綸言榮躋計府傳聞千里歡豫一辭竊以任官之
難莫如將漕之重必資巨德庶革弊原劔嶺千畦極遠
近賦輸之困龜城一道當西南早暵之衝非仁人起而
救之其大勢可以憂矣忽聞休命相遂遠圖某官學企
前修職通異貫名盛而實甚副論高而用不疎詞令最
嫻言語妙乎天下起居得體風彩聳于羣臣驟輟邇班

宋

員興宗

撰

嘉

來恩遠服重湖政舉特披夢澤之雲九頂化成再問峨眉之月惟留滯寒鄉之久宜從容溫詔之頒爰陟使華行驅民瘼某聞道有自受知獨深既見子雲竒字可識獲親德秀世利都忘偶緣寒餓之驅遂致典刑之遠窮懷易感撫敝橐以川流勝餞何時候歸艤于日下

上王運使啟

猥以疎庸偶蒙器遇經品題于平子世不敢非承指畫於柳州文皆有法勤書紳而自勵念揮塵以不忘伏值某官道本周知仁無擇物數區中之賢而名最著容度外之士而信不疑竭來謁大巫心共傾于高論我亦輕

東武劉燕庭氏校鈔

餘子公豈挾於是心遂使荒屨例蒙甄錄謂其才疎意廣不隨世範以驅馳憐其志老學迂頗識古書之正譌特矯世俗屢形齒牙某敢不增益所不能敬修其可願窮途易感撫行橐以川流勝餞何時候歸艤于日下

與孫侍郎啟

光被綸言外臨藩服盡當世險易之節與時偕行得古人進退之風不可則止貴名甚白義路益清恭惟某官迪得無私剛中莫屈懷慷慨素蒲之義處雍容從橐之班動必宣心居常造膝謂言之必可行也務在有餘而道之將廢命歎蓋將有待方幸回天而展力俄因散地

以均勞暫遠鴈行遂憑熊軾獨當一面曾何蜀道之深
虞入為三公行復漢家之故事

代上侍郎啟

伏審光奉綸言榮升禁從凡依庇賴共切歡愉遂稱再
世之能臣豈特當朝之盛事頒一札十行于中禁掌五
材九範于左民恭惟某官學遂天倪心潛聖域外克詢
于王度上特選于世勞紫禁飛英青雲接武討論潤色
舊觀麟閣之書厚重忠純益峻象河之秩粵著經綸之
效果膺親切之除深惟少常伯之員進貳大司空之職
謂萬物雅資于繕治下綜百官而六曹誠繫于樞機行

東武劉燕庭氏校鈔

躋兩地某壯懷蕭瑟倦翼低回幸復與于計臺慙無功
于利柄崎嶇末路敢期鷓鷯之行瞻望崇闈聊申鷲雀
之賀其為欣幸莫究頌言

遠迎楊尚書啟

某恭審尚書太學先生西乘鷁舫按臨舊部之江山南
指鳳城光顯中朝之日月拭目載瞻於履舄究心預慶
於鈞衡擁篲直前望塵敢後

謝蔣叅政啟

恭惟叅政相公德望著世忠純在人家三徑以載清論
萬幾而中病文章爾雅炳制作于西京門地推高甲衣

冠于東渡猶退託無軒冕之意每加意採芻蕘之言致
茲孱愚亦預升進某敢不仰師餘論益廣前聞務推行
疇昔之言以終究事為之志素貧賤而行貧賤忍自慚
有守之初心知春秋而為春秋尚可紀無前之盛績過
此以往未不知所裁

謝給事啟

恭惟給事直院英辭溢世絕學師心庶幾鄒魯之名家
是蓋淵雲之故國謂朝廷擇士宜興孝以舉廉使天下
同風庶回心而嚮道齒牙所逮羽翼借成自愧愚頑亦
膺登選某敢不仰思盛德益勵菲材臣所知者鄉人乃

東武劉燕庭氏校鈔

蒙公舉我當報之國士倍切私忱感激所深名言非悉
回朱知郡啟

榮膺詔旨進典候藩公路惟清貴名愈白竊以國家擇
守先循良愷悌之人賢者報君無內外輕重之異若干
里之牧視九鼎則萬里之遠猶一家振古所難非才孰
可恭惟某官天資最劭地望推高文翰雍容蓋出三陳
之故里政術敏妙是誠兩蜀之通儒所臨擅一時之稱
譽者常四面而至果見絲綸之出再膺符竹之分申詠
袴襦有三莪之故事漸披荆棘化九隴于樂郊得衆之
歡非詞所既某承顏最舊集忭惟深仰慙風貌之宗先

枉雲緘之辱盡出客下公深得古列候之風或遺予言
非所安愚不肖之分其為感激未既敷宣

上都大啟

伏審光奉綸言榮躋延閣見吉士遠人之增氣知盛德
大雅之可憑公路益清貴名逾白恭惟都運都大顯謨
先生受天間氣為世偉人朝論推能臣而甚高遠方託
明府以為命為善而不改其度豈間東西居官而無負
厥心敢分內外果致庶工之薦寵致茲華職之延登列
聖訐謨醇乎醇而詔後大君有命新又新而得人俊塗
益聞公議交聳豈止守鈇黃之舊蓋將分朱紫之華漸

東武劉燕庭氏校鈔

邇天閣先銀漢靈槎之泛行升秘殿煥青藜太乙之觀
某顧以非才幸叨下吏竊聆賢者之進退激懦夫之懷
割席求知願終始效任安之義登山見遠顧幽深愧裴
令之言少答鴻私先伸燕賀其為慶抃未究敷宣

謝湯大卿都大啟

竊以鄭舍無羶坐媿十年之困荆門有望甫傳一紙之
榮顧肺肝無絲髮之能而筆墨重邱山之賜伏惟都大
大卿先生才碩而敏氣沉以雄多聞過陳子之三高第
壓牧之之五湯廷試賢關高步蓋諸老莫為之先禁殿
程才舉羣臣無出其右進司風憲旋試月卿以江東南

之望人為帝左右之英選臺言正衆儼然望而畏之心
計利民特立有如此者比因眷命出總行臺蒙嶺萬綱
浩浩起摘山之綠渥注千騎駸駸飛逸足之黃雖上心
倚重於西州然元老行歸於中禁某沉迷圖籍沿襲箕
裘生年有孔文舉之疎一日蒙郭有道之盼嚮曲承於
點翰避不敢于循牆對先生而相與言願師至道微夫
子之發吾覆見笑畸人既賴埏鎔愈增踴躍

賀王文遷都大魚漕啟

伏審榮升計府申莅茗司千里傳聞一詞懌豫百吏共
推于大手兩川將至于息肩必著宏規永驅宿弊恭惟

東武劉燕庭氏校鈔

某官質攄異稟學企前修出乎忠孝之故家辨若功名
之餘事一言一動無羣士篆刻之風百舉百能守先朝
篤老之論惟獨蘊于天而絕異故所臨之地而有聲大
盜驚心坐安心服小民引領卧治南充辟止辟而刑祥
心格心而吏畏果躋峻職益簡上心茗旗將擷於羣秀
之中有遺味矣驥窟行空于萬里之外無留良焉佇聆
異最之升重見修門之入某受才實散荷顧特恩久慙
東閣之遊退遂北堂之養既一生不得文字之力故百
舍不免簿書之勞身留空山日對小吏盼窮塗而甚感
望舊館以銜恩魂夢交馳典型未遂驟聞好語豈敢賦

十離之詩已振敝冠固將卜三沐之見其為忻祝莫究
賀悰

與紹興師相賀冬至啟

律移舜琯陽已肇于吹葭節次周正日初長于添線恭
惟某官以民為念共欣暖律之回與國同休茂集純禧
之介某遠拘官守阻造賓閣展慶無階頌懷增極

與王師賀冬至啟

土圭測正想天道之默回官線加長欲人時之敬授日
在斗而南至歲守心而西攘君子哉若人先生者是事
恭惟某官運籌合意輔政同心五經總于石渠四時和

東武劉燕庭氏校鈔

於玉燭風行屬部奠白監赤甲之區雲望清朝扶紫蓋
黃旗之運善調鼎鉉仰穆乾文

與汪國史賀冬至啟

日在牽牛而至宜申慶賀之年人謂沐猴而冠未及威
儀之著蓋四時之序則固和于玉燭然五經之辭則寢
選于石渠賴大賢靡所不容致小夫且以自立作為禮
使以有禮僅知漫刺之懷盡信書不如無書尤愧空函
之達幸貸顛狂之俗吏願憐謬誤之醉人永滌前愆實
資巨庇

與成都倅賀冬至啟

元天黃道肇四時玉燭之調畫閣紅爐蘊千炬金蓮之
用名為厚德若是其甚歟數僅平分得者或寡矣惠心
益施幸叨寬假之恩道氣復克宜慶綿長之福

代王提刑賀正與王顯謨啟

四序更端春王謹一元之始三陽屆候君子膺百祿之
宜恭惟某官學造道源智周物表惟帝左右一時曾變
于斯文莅川東西兩蜀今受其陰賜既兼被烏臺之薦
豈久淹馬政之司適履人正定膺福祉既後陳于祝頌
曾莫罄於悃悰

與路運使賀正啟

東武劉燕庭氏校鈔

王政謹一元之始罔不若時君子順百祿之宜膺受多
福恭惟某官清時雅望奕世宏規衣冠聳京洛之餘出
乎其類襟韻挹岷峨之粹熙然似春既克阜于邦財宜
漸膺于帝眷首乘歲律備介春祺遠莫致於鄙悰慶徒
深于善頌

與王制置賀正啟

履端於始朝廷謹受朔之元求福不回君子得乘時之
義功由歲積道與日昇某官厚德鎮浮偉才經世典謨
潤色昔雍容為鴻閣之華屏翰藩宣今造次繫雪山之
重既純乎純而進德故事無事以得民衆望攸歸春祺

將介坐集寅正之祉時惟哲人漸符泰極之祥以興嗣歲

與趙郡王賀正啟

爰紀夏正王人所謹載瞻魏闕治象惟新茲惟出滯之
辰宜集迎祥之慶某官信能處己智不違時衛社一心
亦庶幾于金氏輸忠萬里夫何慮于玉門既祚之土以
建邦又爵于朝以示遠永依樂土知塞草之長春敢祝
新祺擬椒花而進頌其為慶賀罔既敷宣

與王鈐轄賀正啟

三元肇歲時紀建寅之初萬寶回春人符交泰之象况
備一時之輿望宜膺百福而鼎來伏惟某官卓然英才

東武劉燕庭氏校鈔

允矣世將傳聞北地罇俎可以折衝暫總西兵藜藿為
之不採適介人正之始茂膺天祉之多素著威稜若干
里風雷之駛即期帝澤更一番雨露之新慶忭之悰敷
陳罔既

回成都節推賀正啟

雞聲嘑旦肇元日之獻圖龍德回春屬新年之納慶方
頌椒而愧後致簡竹以居先善其職而宜國人衆僚欽
仰為此酒以介眉壽五福繁昌

與普州知郡賀正啟

魯經紀事正標五始之文漢歷頌常寅總三元之統泰

幸交而迪吉履宜視以考祥恭惟某官月旦鄉評陽春
政術推誠贊化九天載想于玉龍治民奏功兩地行瞻
於金虎

回教官賀正啟

正月之吉始和務承休而無斁夫子之道至大迺積德
以有容未遑韓斗之瞻首辱郇雲之貺爾愛羊我愛禮
推朔旦以表誠震為龍巽為風遇陽春而贊化

謝陳同知啟

恭惟樞密同知參政德能澤物學本積躬以仁義為基
圖加文章而黼藻籌邊至畧蘊尺筆制敵之心仗節輸

東武劉燕庭氏校鈔

忠懷九鼎重趙之意每見兩朝之譽處最更萬變以勤
勞意念報君莫如擇士至使迂愚之迹獲陪俊彥之遊
直道雖行大恩難稱仕固伸于知己敢主惰偷書不足
以盡言聊行依頌過此以往未知所裁

上揚知府啟

義掩前聞名高勝社源本魯諸儒之學雍容漢循吏之
風湖右政成一日埽茗旗之弊左綿化洽三秋無田甲
之荒凡桃李所生之蹊皆衣冠共紀之政供養三百指
怡愉有相浹之仁仕宦三十年造次無可愧之事每有
噓枯之意不忘策蹇之思如某才地最凡性天不敏悵

歲月纏悲之久動山林獨往之思昔以明經濫為蜀多
士之冠固嘗際禍幾有楚三閭之憂幸眷諸臺屢塵下
客既無補于規畫願改試于簿書期會公門世有以賤
為貴者從容樸學信不足使于前歟謹已遂于三熏行
有期于一顧其為忻幸罔既敷宣

謝差遣啟

託庇逾年仰想繡衣之重垂名異日游蒙華袞之褒納
匿瑕藏疾之端示噓枯吹生之力誦言至止念德在茲
如某小智自私大惑不解蓋當益堅而當益壯懼輕招
辱而輕招憂以故處于拘拘謗謫之間庶或出乎擾擾

東武劉燕庭氏校鈔

膠膠之外屬依牆仞獲與銓衡殆憐粵鑛以成金冀為
君子之器猶慮鄭聲而亂雅忽遺天下之材顧涓叟以
覲言視商皓而擊節弗知圯上書矣况決稷下辨乎繫
吾徒不惟古之謀奈俗儒敗迺翁之事豈十數輩而易
得者仰千百載而難遇焉實慙淺聞誤玷妙選此蓋伏
遇某官性天溥博量海深沉拔英俊以強本朝有仁義
以利吾國老老而民興孝等差素辯于人倫貴貴而上
尊賢中飾特嚴于邦典未遂鼎調之命暫兼帥長之權
致令庸愚濫邀收錄某敢不佩韋衣褐食蘖飲冰務恪
守于官箴用祇酬於恩造

投王顯謨啟

伏審光奉綸言榮升計府見羣士遠人之增氣信盛德
大雅之可憑公路惟清貴名愈白恭惟某官受天間氣
為世偉人以儒飾吏而術不疎以慮沉幾而物無蔽中
立不倚道弗係于榮枯日思無邪心曷分于內外退盡
部刺史之能事果膺聖天子之簡求以公兩鎮外臺善
推明於德竟而察九州循吏宿欽奉於詔條惟其愛民
可使裕國躬馳蜀道五年既棠蔭之多聲薄漢廷九扈
陟稼卿之貳俾恩遠服以阜邦財豈惟增益於縣官兼
可調護於諸將庶盡揚鞭之算行增秉軸之階某願以

東武劉燕庭氏校鈔

非才常叨下顧衣食遺母曾寬蓬戶之憂道德照人宿
幸珠庭之仰賴漸摩于至善每罄竭於微忠雖內顧其
百不堪當自誦其三宜去登山見遠顧幽深愧裴令之
言割席未知願終始學任安之義其為感激未既敷宣
賀漕使啟

遣使臣送以禮樂在車則聞鸞和之音化天下尚于中
和域民不以封疆之界譽久傳于卿月象初顯于福星
其悅無疆乃終有疆慶恭惟某官廣湖器量長嘯才猷陝
以西二公主之斗以南一人而已英資孤竹昭昭賢德
之榮觸處甘棠赫赫吏能之著郵駟啟其行色著龜告

其吉辰豈惟轉漕於關中抑欲裕財於淮右為方千五
百里喜遇青春所隸一十六州欣逢白晝爰望塵而交
慶屬開府以為新席恐未溫詔應趣召即燮調於梅鼎
永協贊於楓宸某下吏備員厚顏苟祿叟不遠千里方
切仁民而親親我獨有二天敢不尊賢而貴貴益深頌
詠罔既敷陳

上李漕啟

初心不武繆為千里之行末路甚恩近託二天之庇既
自塵俗吏之列敢忘意諸生之間乘大賢之得時與斯
民而共樂輒憑竿牘以候門牆恭惟某官用在六經學

東武劉燕庭氏校鈔

高三古窮源反本歸孟氏之醇乎醇成已立人如伊尹
之覺先覺餘波所及晚輩有憑久矣斯文之宗不勝其
貴獨于天下之器所取者廉去國五年承流三郡屬干
戈之警及于黎庶而錢穀之問至於廟堂迺奉明綸遠
將使指雖管仲征求之藝公所不為然蕭何轉漕之勲
上豈忘報即儲善最歸綴清班某愚不適時官無佳况
昔礦璞以頑而就礪賴化手以成材今頭顱如此而遠
遊負生平之知己尚寸心之未折於門下以甚勤大厦
既成已作穿簾之燕一枝有託何愁遶月之烏

謝除教授啟

竊以勸善之地宜拔其穎而取其尤成功則天斯求有道而得有命苟一旦投之於英俊之域則四方指其非簿書之才樂矣文字之間爽然塵埃之外日眠何害信飽腹之便便官冷自如任諸公之衮衮遂其疎懶養此衰愚是謂不貲之恩敢忘傾頌之意茲蓋伏遇某官斯文宗伯吾道主盟常抽詞于班馬之間固弗論于晉魏而下賈生奏議諸老皆莫能言田叔入朝廷臣無出其右蓋泓渟涵浸之甚久故發揮振耀而每高僉揆通才豈宜稱外歸帝左右將巖巖而具爾瞻顧蜀東西豈悒悒而久留此歛百能而已具猶一士之不遺取于無心

東武劉燕庭氏校鈔

得之有義既知其志于力學故受之芹藻之宮又察其心于奉親故丐以斗升之祿非知我者誰或使之勉紹至音務酣正味亦既以身而循道先推所學以及人謹御遂而令遠郊貴左尚右招諸生而立館下刮垢磨光明素守於再三報所知之萬一

九華集卷十四

九華集卷十四

小簡

上宰相

宋 員興宗 撰

某深惟相府之尊道冒天下天畀吉得神懷正直奮謀
經濟與聖胥會萬祉百福鼎來豈有窮哉某一介西州
之賤惟與胥民歌陶大化之餘夙夜欽祝而已某自揣
人微且淺何足以識測盛德之千一然百吏之末一屬
覆露之下敢以僭言之恭惟僕射相公蘊神機躬道妙
上亮王采下紀民彝自邇年對司台柄德蔭遐表固足

東武劉燕庭氏校鈔

以本中庸于萬事備賡歌于九德待之有道而載之無窮矣某區區庸妄何足以識之某仰惟國家世洪業闡大猷倡治于萬世贊圖賚弼必得盛德百全之英使庶工仰式而後可今僕射相公以碩大之資輔之以忠厚之望誠足以寄國之一體而正邦之百度天下朋應胥悅誠不可以殫述也

某伏審僕射相公勲德照世名儒搢紳皆願掃門而無因望寫而不得然竊窺鈞座之意亦豈不欲廣羅天下英才而置諸左右哉但無庭下一日之趨則無自而取之也某固庸賤然結髮志古文二十餘年游神孔老之

東武劉燕庭氏校鈔

門含英漱潤不謂不久謹忘其名爵之微距躍獻所著老子解略一軸伏惟鈞衡之暇稍賜微睇庶知其才雖猥散而用力於斯文之舊也挺鎔之餘稍加光庇某區區企訢與日無既

某輒有危懇上瀆鈞聽曷勝震惕惟九造垂恕是以敢冒言之故侍郎闕邱公戶侍湯先生皆法度盛德之士也相公以鈞衡之重不忘素雅之懿不替夙契之舊比近世未有也闕邱入蜀之始某待命賓次一見其文而稱之至湯戶侍入蜀求某于蓬艾之間而置之賓客之右周旋四載日聽二公超卓之論稔聞相公道德之美

是時已有殫憤趨走瞻祈之誠矣會西南省試偶以孱
愚叨竊第二不幸萬里南下沿道失舟驚苦之餘僅得
一第因赴訢于有司故事類省士上三名求一教官
以慰垂白之老卒成蹉跌于是因所學之素露塵之于
釣屏之下相公乃哀其力學而摘其經言特賜命名是
時某以失舟旦夕寒餓俟命十一日即出門更節而呼
名之音至蓋相公雖有深仁育物之心一士失職之念
某但敗棄之魂不及霑司命骨肉之惠豈非命矣哉每
一思之即悼心蹴骨重念某曾以斐文較藝西蜀濫冠
諸經又以布衣出湯戶侍闕邱公門下學衆人之所不

東武劉燕庭氏校鈔

學言衆人之所不言一失恩道狼狽日甚今者迫以薄
書之遠地又以親老之羸瘠欲去則不可今顛躋至此
相公于二公折位貌之崇有莫逆之素豈其一客之恓
恓而不為之動心乎昔李師錫秀才受知于李觀元賓
元賓亡後韓退之收錄師錫而稱道之退之之詞曰元
賓既遠其文益可貴重思元賓而不見見賓之所與者
即如元賓焉今某雖么微然即二侍郎之深與也相公
好古樂道名高退之而亦肯棄二侍郎之所與者乎用
是自決作為一書仰投釣座伏惟鈞慈俯賜憐察羈蹇
特除教官一次使得誦古學著陳言不失素志其闕次

謹錄如別紙伏希推明前者呼召之恩特賜收錄某以
孤生單微仰瞻宗工孤懷南注惟祈以大道日被寵光
以萬福宇虔企虔企某恭想贊燮大勲格于中外施及
德門百趣均祐非百吏稱頌之可殫也

謝王中孚提刑

某上覆某官即日暄意漸深恭惟使節所屆百城仰止
神用兼贊台履動止億福某方幸趨侍屏著夙夜欽頌
敢幾妙嗇行即禁掖隆渥之除下情預深抃詠某深惟
朝家世闡大猷仁被廣宇獨憲臺之任矜式百吏內外
惟均非得忠厚百全之士使庶工仰止曷云其盛哉今

東武劉燕庭氏校鈔

台座清節足以蓋世道學足以邁性是用上膺宸眷下
肅一方則禁近親切之拜階此而始必矣非誣非佞某
淺中下吏竊仰滋虔浩若河漢望之無涯而窮之無端
雖夙夜滌心仰止豈足以測知萬一者然徜徉西南上
質垂紳下訪僉論咸謂某官高情雅量英言奧述踐更
之久固足以本中庸于萬事備賡歌于九重今其時矣
旦夕元軸之秉某尚竊遲之

某伏審某官春容風義震耀一世凡名流勝士皆願誦
徽教言蔭德芝宇而台座亦豈不欲廣羅天下英才置
諸左右哉但無庭下一日之趨則無自而親至範也某

嚮者攝局成都幸屢奔趨瞻拜顏色然吏役總總不獲日受碩大之言勉其所未足退常喑矣豈其天幸遽在挺鎔之餘一動光庇心神交馳與日無既

某常深究當_代之士拳曲超超於大賢之門求合規繩曾不得履其牆伸其喙此無他仁人既在高位如交曦一作而衆燭自熄餘光皆不足進者也然退求古昔之義或以途中一盼為有道之深取堂下一言為晉卿之不棄國士相遇令名至今士如自治一已又何必拳曲超超求大賢而後合哉今某疏庸無似乏一介之援獨受門下特達之知則先生超然與晉卿有道無間矣某

東武劉燕庭氏校鈔

退然自循於中非先民受知者比也敢不竭其犬馬視後而鞭仰報知遇夙夜惟深策勵而已

代人上張尚書

朱夏謹時仰惟禁掖崇深武部雄特職穹地峻神天扶贊台候萬福某謹專勒記上詢興居中悃之誠右牋已悉比辰暑意漸盛仰惟師長百僚羽儀萬化賢哲所介擁祥特萬益壽而臧伏丐妙護者明永為王室依賴下副寓縣頌系之功

某仰惟某官誠明之質溫厚之文二者皆粹然不雜所謂黃琮白璧天地之器南金東箭湖海之望嚮者屢試

藩符均勞外府然汲黯寢謀望之雅意自當為本朝之
重邇者黼辰所以深思旌車所以亟召先畀舊物行秉
元樞旦夕真可踵而須矣某伏覩制書以禁掖之任仰
屬盛德百全之英誠足以施六藝之明效分九品之清
濁搢紳君子與夫蓬茅之細民聞命之日皆歡欣鼓舞
引領南望恐拜除之緩也更祈仰望台衡遂熙庶政則
山谷品題毛玠雅亮皆不足列於大君子之前矣不誣
不佞

某區區一介力劣才下梧鼠五技駑馬十駕深虞不堪
世用今者恪將使事遠蔭帡幪逖觀盛事登進良輔俾

東武劉燕庭氏校鈔

無庸者得依洪庇與萬類同慶誠夙昔之願也感僚之
懷臨紙無極

代人上楊尚書

夏令云初爻蒸漸劇仰惟典正七曹鼎來萬祉神天協
贊台履動止福集某謹專勒記上千典籤矣邇者星迎
東井風起南薰不審台座日用何似想惟濯纓清塗視
草禁掖兩有勝適更乞妙護一節即正三階下情企禱
之切

某仰惟某官富文篤學燭理明道冠藝於南宮藹譽乎
西蜀令聞令望表暴一世名流勝士殆未可跂而及也

五兵要職八座崇班蓋聖主姑示優賢之寵然超除特拜未見其止側耳白麻之宣黃扉之入匪所伊夕也不誣不佞

某竊惟國家隕福生靈兼愛南北則繼好息民折衝樽俎當有人焉今執事踐揚中外閱天下誼理甚精且久則附近懷遠之術勝殘去殺之義非執事其誰茂明之某寒蹤賤士遠塵使節旣聞德望今聆顯拜益喜庇身之有地也方墮萬里外不獲進伏兩階乃情依依耳

上許總領

某伏自瞻違崇仞歷月之久即辰秋序微涼恭惟鳳閣

東武劉燕庭氏校鈔

靜深贊命宣勞神天兼相均協休和台履動介億福敢幾妙嗇天倪進總台極上稱朝家圖任之意下情不勝詠誦之至

某深惟某官以碩人重厚之望間闕煩勞當財用屈乏之時領縣官經費裁奢而節化匱而豐嘉猷丕績皆當次擢禁從今暫權兩蜀萬貨盈虛為登進之階耳某不才門闌舊物竊伏窮山知庇身有地區區之私未易殫述

某不佞嘗蒙仁私備門下一介驅策警之譽之夙夕榮幸今則數竒命舛一去鈴下不終大君子之遇然退自

惟省竊伏古人之義甚久悃悞無華不敢持絲毫之欺以事人者此所以雖望崇闕而無愧也惟是感恩之深窮羽棲林不無託庇之望敢忘自修以孤大錫銘肌鏤骨未足云比

某自四月幸餞台座於永康道中徑歸仙井五月末成都漕司以先生丁寧獎借之故遂蒙不遺差權黎州教官某雖深荷台座雅眷存恤之不衰六月初闕期已滿然某衰病之餘望德門之惠噢咻未終見今尚伏故里常深思之昔晉文渡河欲棄敝席子犯聞之終夜而泣子犯不泣於他而泣敝席何也敝席舊物也晉文始與

東武劉燕庭氏校鈔

俱出不與俱入充類而思之此子犯所為泣也今先生德履固超於古矣僕雖非才猶愈於敝席伏惟興衰不至終棄無令搢紳有懷子犯之泣者敢冒言之伏幾台亮

謝大卿

某惶悚百拜上覆都大夫卿先生台座比日歆蘊上承鎮撫計司經畫之間神明相祉台候動止萬福某展布之懷已具右紙敢祈保佑冲德即踐機柄下副具瞻之禱

某惶悚百拜上啓某嚮聞都大大卿端行素履見推朝

右故屢試霜臺升內史譽望甲於東南蓋哲人君子之履名位無往而不自得也迺者得請補外寬九重西顧之憂然夾輔之勲旦暮可見豈容閣下久外耶鋒車之召轉武可待也欽望欽望

某惶恐百拜上啓伏承大卿才學淵瞻躬踐魏科雍容論著誠所謂出緒餘以驚世也凡儒衣儒冠皆願擱筆旦暮承教但恨無階耳不佞不佞

某惶恐再拜上啓某深惟今世利源能衣被天下者無出全蜀而全蜀大利惟摘山市駿而已故朝家於此必用老成舊德才能經濟者為之則西民有賴矣是用廟

東武劉燕庭氏校鈔

堂眷倚於閣下也聞閣下視事云始勲效震疊想已游刃其間餘地恢恢耳

某惶恐百拜上啓某樸學下才隱約山城久矣未嘗獲瞻履焉今一旦收錄門下遽貶台翰增光部屋然過情之譽非寒儒所宜蒙也不敢當不敢當

某惶恐百拜上啓某自分廢棄今乃獲與諸令桂講磨所未至幸甚過望

上丞相葉公顯

某區區之私敢言之閣下夫世有位廊廟官卿相而能彈壓百吏震耀萬世者必其中有以格於外可贊而不

可及也故居則以德勝位動則以道勝欲事則以公滅私此數義者近世蔑有之矣相公先生獨兼之是以不肖者得攀援於風濤急悍之中備員中都秋毫皆出恩力也心論感刻非託尺素猝猝可具銜戀之極不知所云伏自大參相公平日剛大之氣以旌別善否扶導風教為己任邇者青蠅點素特然不撓善處衆枉不競如此聖上灼知特召遂有謁見刑儀之心此天日清明豈浮靈所能蔽虧哉竚見君臣千載之契自此不膠而固矣

某才薄力劣然束髮逮今學非古不致力然亦不自知

東武劉燕庭氏校鈔

其果至於古未也嚮者朝無知聞相公先生一見溫乎其容炳乎其語以為其言浸浸可與設兩漢先儒制作者某顛蒙筆墨受知一至於此何以論報昔者漢德光明諫大夫褒大夫雄頌賢臣贊充國此二子亦蜀產也况相公先生名照中外勲在旗常異日願附雄褒之義秉筆以竢

某以穹卑之間不敢輒爾上詢鈞眷動息諒息德門之祉與日無既某慚感之積恩巨身微答謝無階有委今令敬齋祓以請

與劉侍郎

某瞻違英緒倏見秋色中間一再上書度次第呈徹矣
比日伏想邑屋畫繡遠輩前哲萬福來相欣尚欣尚自
舟之西班牙心岑索騫於禁密者吾公皆可以意揆也風
俗日頓委時事日艱棘何自從公巖居川觀抵掌論道
乎但規雅望不容久吏空山此則可念耳未即披際敢
幾以時消息行秉機軸以福善類至布至告

萬里一紙之問不數數矣不當有請雖然恃長者無怨
也有李舜臣字子思者與之州里本寒家子少不弄長
不流頗通文義非專學於惡習者如此人當在君子教
載之域今歲登第調安仁簿冠履先後獲激濯於天河

東武劉燕庭氏校鈔

之旁願終有以憐異之李非特僕客馮當可亦客之矣
幸併以為照

與任子淵運使

某去秋三巴道路棘艱中辱賓遇之寵旅悰有開仰荷
疇昔心期之照渠渠如此感慰愈敦矣縻繫萬里坐見
殘暑恭惟式霑新渥使事俱宜台侯萬福尊兄志於道
學立已誠有本末推之華顛九牧當敬嘆矣未容徐回
一道也更祈為名業自厚行即特招之寵

某嘗於便風驅狀詢作止令嗣初二見過名門之秀
嘆仰不能自己也尊兄於某厚之至矣近欲畧具豆觴

遍訪之已出國都數日不敏乃爾無所逃責也能示照
否表姪喻備乃捫膝子宗家也少年力學有師承既得
第此志不墮泯又其叔充與子方年友雅故牽聯獲至
於大門者以義自守見公為已後矣聞尉內江又出治
所其他獎與教在兄咳顧間不贅瀆也尚幸三復之

與王顯謀

某諮布之誠已列右牋北辰凝沍斗寒想惟吉德魁舊
茂躋協氣無有紀極某將遂趨叅崇屏嚮風瞻頌徒切
卑悰

某上覆蜀故天府也物衆地大然軍民所須以一方而

東武劉燕庭氏校鈔

備四境為之支計者亦難矣取予翕張非得士安張滂
之才欲上下兩裕何由哉自台座主計已來公論翕然
以權以服蓋言政而及化則政無不順言利而主義則
利無不通台座於此裕乎沛然矣益幾寵光以副蜀人
祈幸之意也不敢誣佞

某才下不文不足為世用然受知門下獎予過量假令
懵而無知猶當銘刻肺腑况結髮志道粗有知耶正以
榮賤相間旬月不克布尺記於崇屏然夙昔依暮之誠
無頃不瞻頌門闌僭懇僭布

與韓道濟知郡

某上覆前被教貺其所以靳予甚過自分疎款何以得此於至友且親者乎感尚竟不可名春事流擲敬承即日裴治之間行福一方衆社備順某敬具記咨候區區復容嗣音預此不周布

某辱兄萬里致縑素及手筆獎諭過量自度無以報親契雅旨惟竭意贊盛美而已乃今所得郡竒秀便近前書已具白矣更宜一意勉勉使譽處之積聲下吳楚則丞相除吏得無用崔祐父之故乎空山留滯亦非所慮也兄其勉之兄其勉之

與漢嘉李清叔

東武劉燕庭氏校鈔

某再拜即日隆暑旅人鬚髮日化其何以堪伏思栖遲樂郊觴詠日適不知歲月之流此樂可名哉甚休甚盛某雖忝清曹然人事役役終無俯仰一閒之頃內不自聊迺知前修著書靜福必林處巖居非烏帽紅塵間物也清叔知吾心樂否耶是心飄忽思與征帆俱西願益持養以全名業為請

某與清叔言別後學力日荒落老候益冉冉將至又不精吏事大似了官逋非有春容之態所欠者山間一二高士抱神一息耳造物同靳誰能違之公能役照我誠必為浩嘆也賤屬前過漢嘉辱賓遇至厚令人無涯慚

感

某別德之日殊濶大抵拳拳多君子之思冬垂盡尊候
體力轉休未遑布問祇益慚悚御典黃忱秀才學力殊
老於世故亦能周旋以清叔風誼之高能為明年於親
處創一學地以延之蓋渠苦於食指之衆耳其人有特
操故為一及之望清叔加誠可也至照殊幸

某去歲道經成都遂獲披奉殊以為慰邇來倏及殘夏
伏惟燕居習靜之餘履況超詣萬祉所介某山間陶然
多難百罹之餘侵尋二毛矣度跌宕詩史自有勝適乞
為遠業自愛千萬千萬

東武劉燕庭氏校鈔

某苦無他技然從事古言者二十年餘以公名亭之意
甚篤故為筆此記然其間字語皆直遂欲不慚作者耳

與四叔承事

某百拜覆四叔廷評尊右違去侍側泛涉經年三峽重
湖之險不可名狀邇來盜賊尤狼戾姪遠道多有意外
之恐侵尋至窮臘方至闕下既已艱苦矣豈謂主公又
先去國在蕪湖曲折見之根本既搖枝葉何賴焉但以
君命猶天不得不澡心一奉清光宣赤誠耳又平日相
知如王樞亦化去王侍郎中孚亦遭口舌小臣如枯茭
但倚文墨忠信不問衆口紛譁悉心陳議而已茲時燼

竈正湯火焰焰可畏姪相時欲求補外未幾見玉屏先生薦者五人皆以次跌去不謂主上頗憐孤忠官之三館之下使糾逖四方之士自揣愚駑至此視三峒無慊矣此皆叔平日教督之力祖宗重仍之蔭也知幸知愧姪既試院一出差除既已先定而諸郎曹館職羣聚以賀廟堂以為兩學得人因此更薄有聲名然見嫉者亦不無也伏恐尊叔要知子細耳誥詞錄之右紙去夢協弟於文字不可不力吾門寂寞幸加意

某惶再拜覆四叔廷評尊右萬里外數有西人來必問諸親尊者起居狀知入新年甚安慰喜無量某近蒙恩

東武劉燕庭氏校鈔


名試禁林薄技之奏賜誥第一天語亦數及之是皆祖宗福庇尊叔平時教訓之力今冒顏道山已兩月矣羣王之府真清逸耳近亦以滿所司月日復將改秩已得旨放行惟三館有此法其他不可也

某拜覆四叔承事涉暑恭惟燕息靖休尊候萬福某去侍側跨三年餘夢想常在三峒此中海氣昏濕夏中惡暑中人摧頽如醉狀真可畏也又飲者食者俱非蜀產彌覺不堪耳姪甚謀歸計若得一郡以西為幸近上以四朝正史未就建置史官凡三四員姪與仁甫各預其一度事勢可_未以卒去然麋鹿之適當在窮山似此不

見其味也叔壽祉愈穹更宜服適不當以家事介懷碁
酒養高一切可也姪方謀般家有可教者願細語之
某拜覆四叔承事不侍几教近五年歲月易得如此每
念老叔及二孀今皆高壽而劣姪又為一官所羈思歸
不廢促歸未能也可奈何而又坟墓拜掃之念梗於中
涕歎無有已時耳此時又及三秋海氣昏昏殊無樂態
伏想故山高明之地尊候邇來日益萬福揚老弟學力
可謂篤老而進取之願未遂况豈能不慨然乎更宜勉
勉當取一第以晚蓋也卿相爰立士民胥慶前歸正士
危疑萬狀今着牀眠矣三山之光與天齊也更煩吾叔

東武劉燕庭氏校鈔

與鄉父老言之不及一一露布也先此劣姪立朝屢爭
一二大事即欲投劾去矣歸川者必能具言之所爭者
不可形紙筆會丞相來所言皆合則劣姪尤以為丞相
可輔天下大事尚可為也且復少住



東武劉燕庭氏校鈔

